



IXELOLYO AMAT YAH GIIHLIAH PROTOCOLO WAN HON
YAH GIHTOA GEN YAWI MOCHATI TATAHTANILIS
PAL MASEWALALTEPEMEH



Pan tonal 31 mesti mayo pan hin xiwit iConsejo General Organismo Público Local Electoral de Veracruz (OPLEV) iga amat OPLEV/CG066/2023, giihtoh ihkón gawi protocolo wan gen yawi mochatí tatahtanilis yah tamahkahtik, axtotik, tatemaitik, tamasewaltik wan yekchiwaltik pal tomasewalaltepewan wan toafrohaltepewan. wan ihkonsan no moihtoh seh pan Sentencia yah gawik pan amat SUP-REC-231/2023, yah gichih Sala Superior del Tribunal Electoral del Poder Judicial de la Federación, wan ihkonsan no gen gawik pan amat OPLEV/CG113/2023 yah gixitih Consejo General del Organismo Público Local Electoral del Estado de Veracruz.

Hin amameh mochá tapalewilmeh iga ma momati yekti ifasehyowan tatahtanilis, ageh gintahtanitih, altepemehe gan mochatí tatahtanilis, yah tamawisotih, wan seek tehtemehe pan hin tegit yah giihliah tatahtanilis.

OPLEV ginegi ma temaga tachiwalmeh yah yekti, yah ma giyektaligan nochi hon yah ikkia amochaya iga ma mobepili inmanawilwan tokninwan gen hon yah ginbilihkan o até ginmagatoyah pan tegiwahtapepenalis, aman pal tomasewalaltepewan. Hon iga monegi ma mochá axto se tatahtanilis.

Tatahtanilis hon se tatagetzalis yah mochá pal ma mosentaligan totanegiliswan, amó ma tzintigan wan ma moyektaligan besolmeh. Bak mosentechoah tatahtanilis wan tatagetzalis, tomasewalaltepewan wel giihtoah te yehameh genegih ma mochá wan ihkón wel ma giyaganagan intominchigawaltilis, inaltepechigawaltilis wan innemilchigawaltilis.

Tatahtanilis gitemoa ma ginechigo tamatilmeh wan ma gichá se amat yah gitogatih dictamen, iga nochi te yaweh tatagetzatih tomasewalaltepewan iga ihkón gichaskeh miaksan yektachiwalmeh yah OPLEV yawi temaititih bak tamiti tatahtanilis.

Toamamanawilwan pan Toweytahli Veracruz gihtoah iga onok mahtanti wan yei masewalaltepemehe: nawat, waxteko, tepewa, otomit, totonaka, sapoteko, popologa, mixe, chinanteke, masateko, maya, soke wan mixteko. Hin altepemehe yaweh gintahtanitih iga intapehpenilwan, pan 11 nechigolmeh yah mochatih (**Chicontepec, Huayacocotla, Tamiahua, Papantla, Zongolica, Yanga, Actopan, Soledad Atzompa, Santiago Sochiapa, Acayucan wan Las Choapas**).

Pan tatahtanilis se yawi tatagetzati iga hin tatahtanilwan:

Gen ma ono itapehpenyo tomasewalaltepewan wan toafrohaltepewan pan tegiwahkayomehe wan pan tapehpenilmeh yah gicháh politikoh nechigolmeh, pan toweytahli Veracruz.	Gen ma asigan tegiwahkeh soamasewalmeh wan soaafromexikanohmeh.
---	---



Gen ma moagigan amampameh yah masewalmeh wan afromexikanohmeh pan politika wan pan tapehpenalis yah mocháh nigh Veracruz.	Gen timoixnextiah.
---	--------------------

Iga wel ma mocháh bayehyegolis wan tatagetzalis pan tatahtanilis, mochatih tatahtanilmeh iga wel ma tzinti totahtol wan totahtolis wan toaltepeikninwan. Hin yaweh textahtanitih:

Tatagetzalis	Tatahtanilmeh pal masewalaltepeme								
<p>I. Itapehpenyo tomasewalaltepewan wan toafrohaltepewan pan tegiwahkayomeh wan pan tapehpenilmeh yah gícháh politikoh nechigolmeh, pan toweytahli Veracruz.</p>	<p>A. Pan tegiwahtapehpenil yah panok OPLEV gitalih yektachiwalmeh iga pan 28 tzontegonaltepeme (yah gipiah 80% o mah masewalikninwan), gihtoh iga politikoh nechigolmeh ma gitaligan tegiwahnegilmeh pan weytegawah wan pal sindiko se toknin yah masewal; wan no pan 9 tzontegonaltepeme (yah gipiah mah 60% tomasewalikninwan pero ayasi 80%), ma gitaliskiah tomasewalikninwan pal weytegawah wan pal sindikatura.</p> <ol style="list-style-type: none"> ¿Teh tigitta yekti hon te mochih? ¿Teh gen mah tigitta wel gipias itagatapehpenyo moaltepet? <p>B. Pan tegiwahtapehpenil yah panok OPLEV gitalih yektachiwalmeh iga pan 2 distritos (gan onk 60% o mah tomasewalikninwan), iga nochi politikoh nechigolmeh ma gitaliskiah masewalmeh pal diputadoh meh?</p> <ol style="list-style-type: none"> ¿Teh tigitta yekti hon te mochih? ¿Teh gen mah tigitta wel gipias itagatapehpenyo moaltepet? 								
<p>II. Iga ma asigan tegiwahkeh soamasewalmeh wan soaafromexikanohmeh.</p>	<ol style="list-style-type: none"> ¿Teh gen tigitta wel mochaskia iga mah soatkeh ma tzintigan wan ma onogan pan politika yah mocháh pan moaltepe? ¿Teh te tigihtoa wel gíchaskiah tapehpenalis tegiwahkeh iga nochipa ma motapehpeni soatkeh iga ma tegiwahchagan? 								
<p>III. Iga ma moagigan amampameh yah masewalmeh wan afromexikanohmeh pan politika wan pan tapehpenalis yah mocháh nigh Veracruz.</p>	<ol style="list-style-type: none"> ¿Teh gen tigitta wel mochaskia iga yah amampameh ma galagigan pan politika yah mocháh pan moaltepe? ¿Teh te tightoa ginégiskia ma gíchagan tapehpenalis tegiwahkeh iga masewal amampameh ma galagigan pan tapehpenalis iga ma mochagan altepetegiwahkeh? 								
<p>IV. Iga gen timoixnextiah</p>	<ol style="list-style-type: none"> ¿Teh tigitta pan moaltepe onok se ahagah tegiwah yah wel giihtoskia yah ahagah melák xikmegayohtok wan iyaltepe? Pal teha, ¿Ak tegiwah wel gíchaskia se amat gan ma giihto iga ahagah melák xikmegayohtok wan iyaltepe gan chantitok? <table border="1" data-bbox="594 1703 1040 1835"> <thead> <tr> <th></th> <th>Tegiwah</th> <th>Gena</th> <th>Até</th> </tr> </thead> <tbody> <tr> <td>A</td> <td>Altepenechigolis</td> <td></td> <td></td> </tr> </tbody> </table>		Tegiwah	Gena	Até	A	Altepenechigolis		
	Tegiwah	Gena	Até						
A	Altepenechigolis								





Tatagetzalis	Tatahtanilmeh pal masewalaltepeme			
	B	Masewaltegiwah nechigolis, masewal altepenechigolis		
	C	Altepetegiwahkeh (delegadohneh, agentehneh, comisariohneh, taltegiwahkeh, seok tegiwahkeh wan tapalewianimeh)		
	D	Masewal taltegiwahkeh (pan altepeme wan pan ehidoh)		
	E	Seok (xigihto katia)		
	<p>3. ¿Katia tatemolme de hon yan tani monextiah yekti iga ma gipiaskia se ahagah yah ginegi ma gitani se tapehpenil iga ma tegiwahchá pan iyaltepe?</p>			
		Tatemol	Gena	Até
	A	Ma chantito pan masewalaltepe		
	B	Ma onogo pan masewalaltepe		
	C	Ma tahto masewaltahtol		
	D	Itahwan ma masewalmeh		
	E	Ma gipiagan se altepetegit		
	F	Ma mochiha gehgeman itapehpenil imasewalaltepe		
	G	Ma gichihka tehte yah melák gipalewih iyaltepe		
	H	Ma ginexti iga melak ginegi ma gipalewi iyaltepe		
	I	Ma gichihka tehté tapalewilis pan iyaltepet		





Tatagetzalis	Tatahtanilmeh pal masewalaltepeme			
	J	Ma yahka pan altepenechigolmeh gan motemoa ma mopoyota tonemilis wan gan motemoa iga ma tami altepebesolis.		
	K	Ma onoya pan tehté altepenechigol gan motemoa ma mopoyota tonemilis.		
	L	Seok (xigihto katia)		
4. ¿Teh gen mah tigitta wel se ahagah ginextia ixikmegayohlo wan iyaltepe?				

Iyhtik tatahtanilis, onoti miak tokninwan yah miaksan gichihtotih gen hin: tegiwah yah giyaganati iga ma mocha hin tatahtanilis, hon seok yah giittati ma mochá nochi gen yekti wan gen gihtoah inmanawilmeh toaltepewan, hon yah temagati tamatilmeh iga gen tomasewalaltepewan. No yaweh onotih tokninwan yah gimawisohtotih gen panotia tatahtanilis.

Tatahtanilis gipia itahtakohlowan, gen hin:

- Se itoga axtolis, ompa mocháh wan moihibiloah nochi amameh yah monegitih pan tatahtanilis, gen hon yah ginihliah tanotzalamat, protocolo wan gen yawi mochatí. Pan hin axtolis tematiltiah tanotzalamat wan gimoyah ixelolyo Protocolo wan gen yawi mochatí.
- Seok itoga tematiltilis, hon yawi mochatí iga nechigolmeh pan altepeme yah ahko moihtohkeh; gan itapehpenilwan tomasewalaltepewan yaweh ginmagatih nochi tematiltilmeh iga wel ma tatagetzagan pan tatahtanilis wan no ompa wel yaweh gihtotih gen ginegih yehameh ma tatagetzagan, ihkón gen yehameh gicháh nochipa pan inyaltepe.
- Hon fase yah giihliah bayehyegolis, panao ompa pan masewalaltepeme, ompa OPLEV o seok tapalewilmeh até onogeh. Ompa altepe iselti giitta yekti te ginmagageh wan mobayehyegoah iga nochi hon tematiltilmeh yah ginmagageh pan tematiltilis.





- Fase yah giihliah tatahtanilis, yawi mochatí iga nechigolmeh gan yaweh yatih intapehpenilwan masewalaltepemeh, ompa tatagetzatih wan tokninwan yah tegipanoah pan OPLEV wan moololoti nochi itahtolwan tomasewalaltepewan pan fase yah giihliah bayehyegolis. Pan nochi altepemeh gan mochatí tatahtanilis yawi motapehpeniti se toknin yah yawi yati tatagetzati pan weynechigolis yah mochatí altepet Xalapa pan fase yah giihliah tatecholis.

Yawi motapoti bak tamiti nechigol yah tatzingopa yei tonalmeh, gan wel yaweh gohmagatih pan tepostzawal consulta.indigena@oplever.org.mx wan wel yaweh gigawatih pan iga! OPLEV, nochi hon seok bayehyegolmeh o seok tatahtanilmeh yah ginegiskeh ma ginchiwiligan yah yaweh yatih tatagetzatih.

- Fase yah gitogatih yehyekittalis, giihtosnegi iga ompa yawi monechigoti nochi tamatilmeh yah moihtohkeh pan tatahtanilis iga yawi mochatí se amat yah itoga dictamen.
- Pan fase yah giihliah tatecholis, yaweh tematiltitih dictamen pan se weynechigolis, gan yaweh onotih nochi yah gintapehpenihkeh pan nechigolis yah giihliah tatahtanilis. Hon dictamen yawi mobepati pan nochi masewaltahtolmeh wan yawi mosaloti pan itepostzawal OPLEV, pan www.oplever.org.mx/consulta-indigena/.
- Pan fase yah giihliah tachiwalis yaweh tematiltitih se amat yah giihliah lineamientos gan moihtoa nochi yektachiwalmeh yah OPLEV yawi giyaganati iga gen ma mochá tegit yah yekti pan nochi hon tegipanolmeh gan se yawi gitapehpeniti ahagah.